

նասնոյ խառնակողն և խառնակցեալն 'ի միջի հրոյ այրեսցի:

### Գ Լ Ո Ւ Խ Ն Կ Զ .

Մի ոք պահեսցէ ընդ տանն իւր շուն յառ զի մի խայծատեսցի արանց և խաշանց, եթէ պատահաբար խայծատեալ Տեառն շանն կամ տացէ շունն իւր խայծատողին, կամ հատուցումն արասցէ խայծատելոյն, նա ևս եթէ հատուցումն խայծատելոյն արասցէ և անհոգս կալով զի շունն այն կրկին խայծատէ, սատակեսցի շունն և Տեառն նորա մացէ բանտ երեսուն աւուր ծախիւք իւրօք:

### Գ Լ Ո Ւ Խ Ն Կ Է .

Ում որ խաշին մատակ և դամենայն զոր ինչ անասուն որ պատահաբար ճարակեսցի արտս, և կամ հանդս և կամ դաշտս այլոց, հատուցանէ զին ճարակեալ խոտոց և ամենայն բուսոց առ տեառն իւրոյ:

### Գ Լ Ո Ւ Խ Ն Կ Ը .

Ով ոք որ երդմեելով տացէ վկայութիւն սուտ, զամենայն զոր ինչ փնաս եղեալ 'ի սուտ վկայութենէ իւրմէ, հատուցանէ փնասելոյն և յինքն մացէ 'ի բանտ ժամանակաւ վեց ամիս, և 'ի ատենէ դատաստանէ գրեսցի թուղթ յայտ-